

[Hawaiian Newspapers Collection](#)[Search](#)[Title](#)[Date](#)[Place](#)[Advanced Search](#)[Translate](#)  
wehewehe.org[Register](#)[Log in](#)[Ka Nupepa Kuokoa](#) / [26 September 1919](#) / [KA WEHI O NA PALI KOOLAU](#)

Ka Nupepa Kuokoa, Volume LVII, Number 39, 26 September 1919 — KA WEHI O NA PALI KOOLAU [ARTICLE]

[Back](#)

## **KA WEHI O NA PALI KOOLAU**

Mr. Solomon Hanohano, Aloha a nui:  
—He mau wahi puolo lei ahihi o Nuuanu ka'u e hoouna aku nei, ke oluolu ia mai hoi e kou ahonui, a na ke Kilo-hana pokela hoi ia e anapu aku ma na aekai aloha ou e Hawaii aina ame Hawaii lahui.

Ma Laie nei, Sept. 12, 1919, i hoo-hui-ia ae ai he mau opio ma ka berita laa-hia o ka mare, oia o Jubilee Logan me Miss Kaleiwohi Nainoa. Ua nui launa ole ka poe i hele mai, mai Honolulu, Waialua ame na Pali Koolau nei no hoi, he nui pu me na makana like ole, hewa i ka wai na meaai, hoi luuluu i ke one o Hanakahi na mea apau; o ka mahu i a kou kiu he ana ana okole kani ana a

ka manu pokeokeo kohu pelehu.

Ua wehe ae nei o David Haili i hale amara ame hana kaa otomobile nona ma Laie nei, oiai ua kuai aku oia i na hale moe, hale amara o S. Yoshimura, Kerani, no ke kumukuai o \$1800; ua makaukau oia e hoopau aku i na pilikia o na kaa oto o kela ame keia ano, oiai ka poe e holo kaapuni mau nei, a na David Haili e lapaau aku na kaa oopa apau; owai hou ae iwaena o na Hawaii elike me David Haili?

Ma ka la 1 o Sepatemaba nei i hoou ae ai ka luna alanui o Koolauloa nei Mr. John Pele Kaio, o kana papakonane e hoohana nei, he umi kanaka, he umi la hana pakahi, pau ia poe; ohi hou he umi, pela oia e ka'ilike nei, aohe punahele imua o kona alo, me ka nana ole i ka aoao, ua like a like i ke kai o Kaulakahi, aohe hoi elike me ke keoni-mana mua iho nei, o na punahele o na pilikoko hoomauia i na wa apau, a o kekahi poe hoounaia i Kahauiki.

Ma keia mahiua ae e hookuu ia mai ai ka makai o ka Hui Mahiko o Kahu-

KU AE NEI, OIA O J. W. KEAU MAKANAHO-  
 hano, me ka mahalo nui ia e na ona  
 o ka hui ame ka Lunanui Andrew  
 Adams, o ka lakou makana, he kana-  
 lima dala o ka mahina, uku hoomau  
 ahiki aku i maikai Kauai hemolele i ka  
 malie. Ola ia kini ke a mai la ke ahi.  
 Oiai mai ka hookumuia ana o kela hui  
 mahiko i ka 1889 ahiki i keia manawa,  
 kona noho hana ana me ka hoomaha  
 ole, koe wale no na la ma'i, aole anei e  
 lilo keia i mea na na Hawaii e hooma-  
 nao ai i kumu hoohalike, owai hou ae  
 kekahi?

E ala e na opio o Hawaii nei, mau  
 ke aloha no Hawaii!

Ua lawa paha keia kukahekahē ana  
 a no kahi wa aku.

ANI KA MAKANI 'O KOOLAU.

Aekai o ka Hikina-Akau, Sept. 17, 1919.

---

This article has been automatically clipped from the Ka Nupepa Kuokoa 26 September 1919, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).